

MUAB TSO TAWM SAI LI SAI TAU
Hnub: 7 Hli Ntuj tim 14, 2020

Cuag tau : Shawn Benjamin
Hauj lwm: (414) 286-3780
Cell: (414) 316-8316
Email: sbenja@milwaukee.gov

Milwaukee Txoj Cai Cares Mask (Muab Ntaub Npog Qhov Ncauj Qhov Ntswg) Pib

Lub 7 Hli Ntuj tim 16

MILWAUKEE – Nyob rau lub 7 Hli Ntuj 13, 2020, pab thawj tswj Milwaukee Common Council tau tsim ib txoj cai hais kom muab ntaub npog qhov ncauj qhov ntswg thaum tawm mus rau tej chaw muaj neeg coob, nyob hauv tsev thiab nraum zoov. Tsab cai no pib lub 7 Hli Ntuj tim 16 thiab yuav tswj nyob rau lub sij hawm tseem siv tsab kev xaaj Coj Milwaukee Mus Yav Tom Ntej kom muaj kev noj qab haus huv thiab kev nyab xeeb. Tsab cai yuav siv mus txog thaum muab qhov kev xaaj no rho tawm lawm. Txhua nqe lus hais txog txoj cai no muaj nyob hauv lub website milwaukee.gov/MMFS.

Kev pom zoo rau tsab cai yog lub 7 Hli Ntuj tim 13, raws li kev pom zoo 200409, tau hais kom lub City of Milwaukee Health Department tsim kom muaj kev faib ntaub npog qhov ncauj qhov ntswg rau cov pej xeeb nyob hauv lub Nroog yog hais tias lawv hais tuaj. Lub City of Milwaukee Health Department yuav koom ua ke los yuav thiab faib cov ntaub npog qhov ncauj qhov ntswg pub dawb rau cov pej xeeb.

Lub Health Department yuav koom tes nrog Milwaukee Police Department, Milwaukee Fire Department, Milwaukee Public Library, Community Development Block Grant neighborhood service programs, thiab lwm qhov chaw kom muab tau cov khoom los siv. Ntxiv mus, lub Milwaukee Health Department yuav npaj kom tau ib txoj hauv kev rau neeg tuaj nqa cov ntaub npog qhov ncauj qhov ntswg rau lub 7 Hli Ntuj tim 31, uas cov thawj tswj (Board of Health) yog cov yuav los saib xyuas.

Tej nqe lus tseem ceeb ntawm tsab cai:

Yuav Tsum Npog Qhov Ncauj Qhov Ntswg Nyob Hauv Tsev los yog Nraum Zoov:

- Tus neeg muaj hnub nyug 3 xyoos rov saud yuav tsum muab ntaub npog qhov ncauj qhov ntswg thaum tawm hauv tsev mus.
- Yuav tsum muab ntaub npog qhov ncauj qhov tswg nyob hauv tsev uas muaj neeg coob thiab thaum nyob xyaw rau cov neeg uas tsis nrog koj nyob hauv ib lub tsev.
- Thaum nyob nraum zoov, neeg yuav tsum muab ntaub npog qhov ncauj qhov ntswg thaum nyob ze 6 feet ntawm lwm tus neeg, thiab thaum nyob nrog ib cov neeg uas tsis nyob ua ke hauv ib lub tsev.
- Cov neeg ua hauj lwm hauv lub Nroog (City) thiab cov neeg tuaj rau hauv lub Nroog cov chaw yuav tsum tau ua raws lis lub Nroog txoj cai muab ntaub npog qhov ncauj qhov ntswg.

Yuav zam tau rau cov neeg xws li teev nram qab no:

- Tus neeg hnub nyug qis dua 3 xyoos.

•Raws li Centers for Disease Control and Prevention kev qhia, tus neeg muaj mob, mob hlwb (mental health), xiam hoob qhab-lub tswv yim khiav qeeb, los yog tus neeg uas tsis muaj lwm txoj hauv kev los pab raws li txoj cai ntawm Americans with Disabilities Act.

•Cov neeg paub hais tias ua pa nyuab thiab xiam hoob qhab.

•Cov neeg nyob rau tej qhov chaw uas tsis zoo siv ntaub npog qhov ncauj qhov ntswg, xws li mus kho nhiav los yog mus kho mob. Lub sij hawm yuav ntev npaum li cas nyob ntawm qhov lub chaw kho mob/kho hniav.

•Thaum cov neeg tswj txoj cai ntawm tsoom fww, lub xeev los yog hauv zej zog xav pom tus neeg lub ntsej muaj kom paub hais tias nws yog leej twg.

•Cov neeg uas lawv txoj kev ntseeg txwv tsis pub lawv muab ntaub npog qhov ncauj qhov ntswg.

•Cov neeg nyob rau hauv tsoom fww cov chaw uas kaw tsis pub neeg sab nraum tuaj, tsev kawm ntawv qib siab, tsev kawm ntawv public thiab private hoob K txog hoob 12, thiab chaw zov me nyuam los yog chaw ua hauj lwm nrog cov hluas muaj kev npaj los tiv thaiv uas tau kev pom zoo los ntawm tus Commissioner of Health. Ib qho uas zam tau rau ces yog cov chaw zov me nyuam muaj kev tiv thaiv uas tau kev pom zoo los ntawm lub health department.

Kev tswj:

•Tus tswv tsev los yog tus neeg saib lub tsev uas qhib rau neeg sab nrauv tuaj yuav tau xyuas kom txhua tus neeg tuaj rau hauv lub tsev ua raws li txoj cai muab ntuab npog qhov ncauj qhov ntswg.

•Tus tswv tsev los yog tus neeg saib lub tsev uas qhib rau neeg sab nrauv tuaj muaj txoj cai tsis kam neeg nkag los los yog tsis ua hauj lwm rau tus neeg tsis ua raws txoj cai txawm hais tias muaj kev zam rau tus neeg ntawd.

•Tus tswv tsev los yog tus neeg saib lub tsev uas qhib rau neeg sab nrauv tuaj uas cia neeg yuam cai nyob rau hauv lawv lub tsev yuav raug nplua li \$50 mus txog \$500.

•Tso cai rau tus Commissioner of Health thiab tus Kws Lij Choj - City Attorney rho tau daim license rau lub tsev ntawd los yog hais kom lub tsev hais pluab kaw lub tsev uas qhib rau neeg sab nrauv tuaj siv raws li txoj cai hauv lub xeev thiab hauv zej zog uas tsis hais kom neeg ua raws li txoj cai.

Thov mus saib hauv milwaukee.gov/MMFS thiab/los yog sau email rau City of Milwaukee Health Department ntawm ASKMHDCOVID19@milwaukee.gov kom paub ntau ntxiv.

###